

國
朝
詞
綜
補

國朝詞綜補卷五十七

無錫丁紹儀杏舫輯

徐恩貴 一首

馬汝楫 七首

秦光第 一首

姚福奎 二首

潘祖蔭 一首

徐宗勉 一首

陳景雍 五首

許宗衡 十一首

周學源 一首

李應田 一首

鄭守廉 一首

潘介繁 十一首

陳慶生 一首

汪承慶 二首

薛時雨 八首

錢勗 一首

馬凌霄

五首

徐芝淦

六首

徐恩貴

字寶卿宜興人咸豐元年舉人有曉湖詞

長亭怨

燈花

漸消盡鴨鑪香炷靜對銀釭豔情徐吐一點光圓幾多
意蕊結如許玉人幾度曾暗卜添離緒好夢未分明肯
便把芳心灰去憐汝容羞鏡影祇賸瘦魂一縷縱教
解語怎消受殘更三五願今宵並蒂長開怯風冷窗紗
深護待焰剔釵紅還救飛蛾無數

馬汝楫

字濟川江都人咸豐元年舉人官刑部主事有雲笙詞

清平樂

春情如夢春病春愁其怯怯春魂扶不動身比春山尤
重夕陽紅到花南腰肢倚遍闌干不是昨宵中酒如
何今日憎寒

安公子

晨起見白髮感賦

昨夜新霜冷無端侵入潘郎鬢綺樣韶華渾似水怪羞
人明鏡只幾點星星偏與愁痕近添許多淪落青衫恨
莫漸來搔短還是抽簪未準底事催人緊棟風吹老
芳春訊不道中年成暮色便羅巾慵整更細認絲絲攪
入楊花影怨游絲不繫駒光定怕翠帳人知悄聲枕邊

驚問

一枝春

雨阻邗上同黃子鴻作

一水盈盈繞長隄織遍柳絲煙雨花風暗數遲我片帆
歸去鶯嬌燕姘料長伴箇人愁訴還只怕妝閣朝寒覺
損鏡中眉嫵春光劇憐遲暮趁荼蘼未了留將春住
嬉游倦矣多半睡魔縈阻離懷正苦偏好夢也無尋處
情黯黯深巷重門倩誰寄語

二郎神

一春冷淚悄滴近落花枝上算不爲傷春生憐花謝人
漸如花飄蕩八字眉痕羞重掃效若箇內家新樣拚綠
鬢易凋纖腰易減鏡臺慵傍凝望柳陰陰處幾家門

巷料燕子歸來玳梁雙宿那識空閨惆悵繡不成紋歌
還誤拍愁重可勝清恙最苦是夜夜青燈照影夢寒綃
帳

長亭怨慢

秋柳

猛揩眼荒橋官渡冷落雷塘一番酸雨玉笛吹殘者般
騷屑向誰訴道旁鞭影羞指說隋家樹慘綠不成圍祇
暗怨西風無主薄暮怪寒蟬甚意還抱舊枝吟苦青
衫老後又誰識昔年張緒悔弄慣馬上纖腰惹多少看
花人妒便盼到春濃愁贖滿天飛絮

憶舊游

朔風載塗昨游如夢惺然長別有託於聲

記簪橫玉蕊鏡倚菱花密坐鐙寮生怕離觴勸怕星辰
昨夜風雪明朝瓣香自焚花底無語淚先拋看一縷煙
絲縈成心字恨字難描無聊別離後定閒卻水絲冷
卻瓊簫多少纏綿思便重來有約已負春韶曉風解人
情味催夢度南橋試重叩香扉偷呼小字魂暗銷

百字令

宜陵旅次書懷

曉憑樓檻正軟風吹雨嫩晴猶怯多少輕帆隄畔過牽
我旅懷同結燕外游絲鷗邊涼夢不稱青青髮曩歡記
否強攜尊酒重說況復梅子將酸蕉陰漸老正惱人
時節溪水易消潮後漲偏不帶愁消歇圓月無心行雲

少據岸柳何堪折知他樓上有人長怨輕別

秦光第

字次游嘉興人咸豐元年舉人官中書有半枯樹齋詞

虞美人

鴛鴦湖上秋生早落日登船好銀鐙如夢賦遊仙愁絕
微雲疏雨藕花天今朝溝水東西去後約常相誤遠
山眉黛尚依然不見伊人橫笛晚風前

姚福奎

字湘魚常熟人咸豐元年舉人官婁縣訓導有瀟湘漁父詞

百字令

沈蓮客儷中秋招同人湖橋看月急填此解以促之

湖橋橋上羨古人夜夜蟾輝看飽

相傳黃子久每於月夜飲於湖橋

我

亦冰壺思濯魄卻未偶移蘭棹回憶前宵夢遊此地珠

點波心小雨三漁父蓼花紅裏垂釣 多感瘦沈招邀
涼秋八月載酒開愁抱道是陰晴圓缺恨此夜那能常
好秋色澄清尊前現在莫待嫦娥老且呼單舸野鷗翹
足多少

尉遲杯

送春

江南路草亂長春又匆匆去亭臺暗換風光留得殘紅
如許蜂迷蝶醉都付與斜陽并高樹任今朝萬縷閒愁縮
將春色難住 回憶迤向東郊添香國繁華錦繡爭如
慣聽如簧鶯語喚偏做箇催歸杜宇縱青律明年轉早
最難遣淒涼送南浦更銷魂望斷天涯礙人都是飛絮

潘祖蔭

字伯寅吳縣人咸豐二年進士官部尚書

摸魚兒

題

恭邸荷淨納涼圖

繞林亭水香不斷鷺鷥飛破煙杪玉璫羅襪凌波步倦
舞環妃欲笑尋翠窈指一鏡風漪四面垂楊好煙絲細
裊恰低按霓裳平鋪瑤席麴院姿幽討紅闌外花事
平泉未老自移書畫船小冰華瓊萼相輝映只有冷香
吹到鷗夢悄問水閣虛廊何處秋來早詩情換了算筒
碧傾荷裳紅製芰怎似此襟抱

徐宗勉

字霽吟江蘇通州人咸豐二年進士官安徽知府

綺羅香

錢眉仙本釋家子後入四喜部名噪一時楊紅玉舊隸春臺部今遁入空門孫崧甫

大令賦詞紀事率爾繼聲

島佛還家宮娥入道世事有何憑準蘭若梨園解脫都
成平等聞妙諦悟到霓裳對妝鏡忽呈露頂試同參後
果前因笙歌院落夢華境 換卻一番光景便覺繙經
度曲十分新穎驀地相逢各認前身小影問誰知打破
蒲團更那識拋殘檀粉幸詞人雙美題來喚教春夢醒

陳景雍

字熙堂商邱人咸豐二年進士官江蘇有春影樓詞

石州慢

秋暝

涼雨疑催斜日乍收人意先寂林端月影纔移卻又濕
煙如織淒音忽墮恨煞一陣寒鴉偏教釀就傷心色光

景不多時已窗紗全黑 遙憶空江未泊荒驛初投頓
添悽惻倦眼慵看黯淡怎生禁得尚寒珠箔間有多少
高樓憑闌對此愁相逼正望斷天涯儘銀缸凝碧

長亭怨

秋草

但剩有斜陽零亂一徑煙深幾多淒戀瘦蝶伶夢回
無復舊池館碧痕憔悴還想像弓鞋淺莫再問遺鈿只
點點螢燈輕閃誰管看疏疏豔影盡是玉人紅怨寒
波蘸處悵狼籍雨絲風片綺陌上曾送花驄共殘柳都
堪魂斷爲愛聽涼蛩冷翠常留庭畔

齊天樂

枯樹

倡條冶葉都消歇天涯儘牽離緒淺剩殘紅低縈慘綠
此景并難重遇斜陽古渡記門繫漁船半經樵斧寫出
淒涼賦才愁煞庾開府誰將竹籬悄掩恐東風不到
斷岸荒渚病骨空存情根未剗側臥幾堆黃土寒鴉自
語奈雨雪殘年破巢難補寄語同羣一枝應護取

憶舊游

秋柳

恨將眠愈困欲舞還慵鎮日無聊細認橫波目儘眉痕
翠減常怯涼颺長亭幾番迎送瘦盡楚宮腰歎似水年
華飄零到此空自魂銷蕭條最難遣是訪舊芳叢送
客清宵莫問靈和殿算當年張緒憔悴今朝懷絕亂鴉

聲裏煙雨不堪描
縱再躍花驄
吟鞭未忍尋灞橋

瑣窗寒

秋病

已是多愁何堪更與藥鑪相伴聞香也怯鎖日繡簾慵
卷倚寒窗離情正深最憐意共秋花懶恰每逢此際年
年閒煞寶釵羅扇 悵恍眠猶倦念客舍風霜雁書久
斷腰圍易褪到此也無底管可還思金屋夜長一般瘦
損空斂怨算連朝爲避涼飈未到閒庭院

許宗衡

字海秋上元人咸豐二年進士官宗人府主事有玉井山館詞

南鄉子

秋夜歌筵

秋笛雨中涼短燭深簾夜未央
便不何堪悲老大衣裳

國朝詩林卷三十一
已是微沾淚數行 況我鬢邊霜千里關山雁路長滿
眼干戈歸未得茫茫一度聞歌一斷腸

隔溪梅令

題畫秋海棠

秋風裊裊畫難傳古牆邊朱絲幾縷定惹箇人憐月高
花影懸 飄零錦瑟感華年背秋千撩鬢伊誰悄立隔
輕煙斷腸應未眠

愁倚闌令

題畫櫻筍芍藥

春欲去盼歸鴻夢惺忪算到江南櫻筍節忒匆匆年
來倦倚春風尋芳向流水聲中便是豐臺花事好苦塵

紅

翠樓吟 韓偓用姚梅伯同年韻

寶帳閒鈎生衣卸釵深宵爲誰嬌展瀟湘流夢影漸愁
暈香融春軟歛肩垂腕便睡起身慵肌紋猶淺難忘是
臂金嗔壓雙樓雙卷 待翦枕角冰絲恨舊情磨滅淚
波清泣輕移花下坐只月影今番遮徧那番庭院記拭
汗停歌吹來風片空惆悵酒闌偷寢唾華羞澀

碧牡丹 臘夜

急景彫年夜來庭樹驚鴉共我愁歎夢裏江湖欲覺何
時且飛雲一片難留凍月淒迷空憐河漢烽火鄉關慕
名心冰炭 黃金臺上無人荒草寒煙自淩亂對滿眼

西風寥落可奈飛鴻影斷無端太息誰是同心今古茫茫鬢蕭散何時皂帽歸來任旁人驚看

西窗燭

寒月和青韜

薊門煙樹照影蒼涼啼鷓驚拍風翅茫茫千里關山白似雪路冰河欲歸無地憶舊時夢裏簫聲良夜懽悰如夢和愁睡玉宇瓊樓人閒天上都是尋常事便教萬古團圓好恐耐到雞鳴也非容易忍思量金粟前身凍合三生清淚

摸魚兒

憶揚州湖上

鷺關心一灣新碧城陰鷗鷺驚起濛濛細雨春湖柳笛

罷微聞流水閒滋味憶側帽看花人在飛紅裏斜陽殘
醉漸樓月初晴簾鐙乍上橋畔畫船艤空惆悵往日
朱闌獨倚冶春詞句誰記烽煙便是曾遊處夢裏歡場
未徙時無幾歎簫管淒涼廿載如彈指傷心似此恐繞
樹殘鶯尋巢舊燕同是恨難已

齊天樂

盤香同介夫

簾風嫋娜闌陰曲鑪煙一般輕縮往復如環纏綿似紐
漫惜宵長晝短交花不斷算心字燒殘填愁難滿香火
因緣夢魂低繞鏡臺畔從頭誰與暗記抵相思寸寸
將舒又卷縱使成灰尚留微焰就裏迴腸一綫殘痕賸

篆祝到底團團兩心休轉起滅無端箇中春自暖

安公子

隨園圖爲仲復題

不忍言重到小倉山翠微臺沼花弄蔚藍天外影

蔚藍天隨

園齋額也闌干閒了便一片隔簾月照誰歡笑歎啼鳩慣使

春人惱六朝如夢一例滄桑何堪憑弔漫悔經過少

算來猶幸登臨早烽火十年喬木改夕陽衰草曾醉聽

猿吟鶴嘯煙雲杳還想到簷鐵東風悄落紅池館記得

分明那時春好

百宜嬌

冰花

鏤玉無煙雕瓊有蕊連夜小池風緊欲語誰磨鏡中人

笑拈得一痕菱影銷除紅淚便睡點細皺愁暈恁鴛鴦
能耐宵寒夢回雙抱香冷空惆悵波舊印蓮瓣幾
時留鞦韆猶認祗恐消磨不關閉落負爾聰明心性霜
華已老願此後東風無準早猜詳流水三生上林難問

金縷曲

書余淡心板橋雜記

別有傷心處儘消磨劫灰金粉大江東去樓閣斜陽秋
易晚嗚咽青溪如訴祗衰柳殘鴉無數龍虎雄圖悲豎
子贖遺編細載閒歌舞亡國恨哽誰語年來烽火臺
城路念無端家山唱破淒涼誰主似有簫聲聞鬼哭忍
憶板橋風雨漫悵悵美人黃土繞郭旌旗霜影重恐將

軍愁擊軍中鼓早哀絕子山賦

周學源

字岷帆烏程人咸豐二年進士官翰林學士

青玉案

半勅爲滿星齋文京邸園居自寫半勅延秋圖贈劉君泐生余爲題此

尋秋不見秋來處只一葉楓庭樹風月清嘉須作主大
開窗網細分茶具舊雨兼今雨 幾番塵踏宜南路賭

韻爭傳庾郎賦轉眼韶華三十度已枯詞筆爲誰拈取

商略爲君譜

李應田

字硯卿順德人咸豐二年進士官

唐多令

泊揚州感賦

湖上不聞歌香雲卸綺羅問鶯花消息如何重訪竹西

亭子路芳草外墓田多
往事付春波紅羊劫已過
歎
華年容易蹉跎一榻茶烟閒自念怕雙鬢暗消磨

鄭守廉

字仲濂閩縣人咸豐二年進士官

憶秦娥

題王惕甫手書佛經尾有鐵夫並其配墨琴夫人兩小印

紅綽約誰鈐小字烏絲角烏絲角天花並蒂不愁先落
來因去果參今昨維摩法喜輸君樂輸君樂才媛悟

後文人退著

潘介繁

字椒坡吳縣人咸豐二年舉人官湖北知縣有曉夢春紅詞

浣溪紗

青漆游廊芍藥廳暗中回步觸銀屏前頭鸚鵡況聰明

寄得相思惟一點，憐他春色已三停。那堪稗柳尚飄零。

南歌子

空憶春歸處，疏簾第幾重。隔窗鸚鵡咒嘯嘯，道是海棠花底，又東風。盼杏青鸞信，瑤琴曲未終。玉釭斜掩燭花紅，獨自冷清清。地月明中。

蘇幕遮

掩銀釭，支畫幃。睡起恹恹，暗把相思省。紫玉釭橫慵未整。強褪簌衣，憔悴菱花影。雨初晴，風又橫。中酒心情，惜別傷春併。花落閒階人語靜。西月昏黃，背卻屏山等。

虞美人 月夜

夜涼露下羅衣薄，月轉斜簷角。六街如水掩重門，不道畫樓還有未眠人。春裙暖覆熏籠靜，特地添金餅。漏聲三點燭雙條，便是不曾真箇也魂銷。

探芳信

林花易落春盡雨中送客江干別愁如海

悄無語正茗榻棲煙筠簾鎖雨悵斷腸人遠孤帆向何許。惜春常怕春歸早，誤了看花侶。奈東風撇燕瞞鶯，便催春暮。何處更延伫，怎盼斷殘箋夢還無據。寄語江潮來共載，愁去蘼蕪也是無情甚。綠對天涯住，黯銷凝。怨思濃於翠醕。

百字令

陶雲湄莫愁晚眺圖

江流東去正清溪畫舸潮平如鏡十廟昏鴉棲未穩剡
地柳絲梳暝隔院搗箏租篷載酒波底斜陽冷按詩款
夢又添多少清景記起紅板前頭舊時明月略有些
些影賸粉零脂無限淚忍向生綃重省彩管香殘淒笳
韻苦併作傷秋境黃昏風雨暗增孤雁悲哽

憶舊游

春雨浹長杜門寡酬所思不來寫以妍唱

記珠燈泛夕珧閣題箋滯酒朝朝春色空腸斷怎闌風
片雲吹夢都消淡煙替描仙萼人隔一層綃正欲雨簾
櫳苔荒竹憇添做無聊今宵甚惆悵又蠟影幢幢鉦

點迢迢坐背屏山聽似撩儂清怨彈淚芭蕉碧城珮環
何處空把玉蟾招算海樣銀灣相思竟日隨暮潮

齊天樂

周東溪老屋聽秋圖

梧桐蕭槭西風裏相看忽嗟秋老敗瓦棲霜疏櫺賺月
勾起年時淒抱苔階不掃賸蛄泣螢啼露叢煙篠瘦盡
書燈暗窗清夢自驚覺披圖還省舊事悵重來燕子
都付憑弔幾隊笙歌幾番詩酒換了幾堆衰草闌干徧
靠又打起昏鐘亂鴉殘照何況宵來斷鴻雲外叫

又

螢火和金陵楊丈璞庵

豆花籬畔秋光碎熒熒一星飄到帶雨還明隨風自顛

頰向簾衣低照夜涼人悄記舊夢蘼蕪隋宮池沼影落
牆陰海棠紅瘦暝煙裊 攜來紈扇試撲是誰家庭院
兒女歡笑寥落長門昏黃短驛一樣離懷暗惱西風易
老只賸得愁燐亂棲叢篠空對詩囊擁燈吟未了

夢橫塘

磨生兄聽風聽水填詞圖

浪花吹雨絳影衝煙短篷無限蕭瑟水樣孤衾禁不得
程程行色詩夢銷停酒懷悵觸舊愁山積況寒蘆戰暝
敗柳驚秋添淒楚一檠側 清游不比年時賸漁燈佛
鼓共此岑寂打疊閒情都付與彩牋詞筆算嘗徧天涯
況味怕問歸期轉悽咽怎奈空江雁聲催起攪鄉心遙

夕

疏影

落梅

春生南陌漸雪香吹盡換了晴色尋徧西湖一碧濛濛
惆悵芳魂難覓畫屏不許東風近也一例隨他狼籍只
夜來閒煞闌干牘有翠禽悽咽 猶憶煙肥月瘦尊前
正送遠吟賞遙夕此日相思欲寄憑誰夢冷野橋荒驛
江城已是驚遲暮況次第吹殘玉笛想素娥解珮冰皋
莫問舊時消息

陳慶生

字厚庵雲南定遠人咸豐二年舉人今官漳平知縣

高陽臺

黃蓼花產內閣典籍廳和潘絨庭侍讀

菰葉搖青蘋花漾白月華篩上霜痕別有疏枝鳳池香
護雲根淡妝不爲秋容瘦是如來金粟前身倚黃昏輕
蘸鵝兒宮額初勻園林舊日題詩處記水蒨花外覓
徧吟魂冷落天涯西風吹老江蓴萍蹤許傍閒庭院侍
宮壺餘潤平分算芳辰一點葵心傾向陽春

汪承慶

字雅泉鎮洋人道光二
十年舉人官學正

金縷曲

劉泖生宦游都門繪鷗夢圖索題爲倚是
解

誰寫湖天景問年來租菱算橘幾多清興菰葉蘆花秋
瑟瑟中有吳儂煙艇更添箇野鷗相並尺幅生綃泥爪
在盪鄉心一片渾無定思往事黯銷凝飄零我亦嗟

萍梗望江南碧雲日暮霜笳淒緊縱說采蘭消息好水
調不堪重聽怕贏得工愁善病只賸黃金臺上月向宵
分來照離人影塵海夢甚時醒

摸魚兒

題藕花香裏填詞圖應張嘯峰廣文屬

盪湘紋釣絲風軟冰簾吹送花氣穿花艇子瓜皮小消
受水鄉情味脂粉膩要喚醒秋魂一笛涼雲裏新腔唱
起正鷗外招香魚邊選夢碧宇淨如洗 愁難遣我亦
脩簫月底蠻箋螺墨頻記輸君三影才名好還把鬧紅
偷倚歸也未怕載酒江湖點鬢霜華易微吟自喜認柳
塔撐煙淞帆翦暝多少畫圖意

薛時雨

字慰農全椒人咸豐三年進士官杭州知府有藤香館詞

菩薩蠻

曲闌倚徧愁心續郎心更比闌干曲寒意襲輕衫郎心
寒不寒 秋風吹木葉葉與林長別莫漫怨秋風春花
往日紅

柳梢青

秋柳

絮果難圓楊枝易老秋又今年少婦樓頭征人陌上依
舊纏綿 江南紅板橋邊記弱態依依可憐過眼繁華
驚心搖落況更風煙

唐多令

夜泊龍津橋

殘月桂林梢微風漾畫橈打空城寂寞春潮千里懷人
空有夢飛不過赤闌橋何處教吹簫江天入望遙一
聲聲戍鼓輕敲酒醒方知身是客燈影暗篆煙消

清平樂

晚泊楓橋訪寒山寺遺址

夕陽明滅流水聲嗚咽七里鶯花今歇絕蘿徑一輪孤
月漁燈紅出橋南江楓搖落何堪領取寒山風景一
僧補衲茅庵

浪淘沙

夜舟聽雪

一夜響蕭騷玉碎珠跳打篷聲急浪花飄比似芭蕉窗
外雨分外魂銷孤客太無聊短鬢空搔一燈明滅映

國朝詩林卷五十七
十一
船梢今夕杭州應有夢隔住江湖

八聲甘州

荒江晚泊四無人煙春風侵人客況可想

怪東風不肯放晴光朝朝釀春陰把春人滋味釀成酸
苦都似秋心百五韶華有限歸棹閣江潯浪嚙船脣急
遠夢沈沈似有夕陽鐘動在臨江古戍隔浦遙岑漸
荒煙弄暝燐火出深林最淒絕箇時情況只孤燈伴我
裏頭吟征人淚借伊涼調彈上瑤琴

滿江紅

舟泊焦山

峭壁危崖是天險大仁門戶到此地憑高望遠目空今
古十載風煙潮怒吼八蠻舟楫輪飛渡問何人功業鎮

山河銘鉅柱 煙黯淡瓜洲樹雲羃歷南徐路只叢林
古木鬱葱如故孤鶴魂歸人入夢潛蛟夜起巖飛雨向
寒流醜酒酌焦仙靈呵護

望海潮

申江舟次

潮平岸闊江流激箭奔騰直下吳淞巨壑舞蛟危樓結
蜃遙天萬里溟濛歎薄起魚龍念蒼茫身世寄與艤艫
濁酒孤斟銅絃高唱大江東 八蠻重譯來同算漢家
長策還是和戎水面騁輪晴空掣電海洋百道能通落
日大旗紅正鯨潛鼉戴久靖邊烽聊把黃金買醉歌舞
向西風

雙雙燕 本意和梅溪韻

星移物換盼昔遊門巷社前春冷空梁泥落何處倚樓
人並又是桃開露井問舊主萍蹤未定可憐徧地蓬蒿
孤負翩躚雙影 幽徑沾衣雨潤想子弟風流灑然清
俊穿花掠水容易夕陽煙暝好把香巢寄穩莫負了今
年風信有人海國相思妝罷畫闌自凭

錢

勗 字揆初金匱人咸豐
五年舉人官知府

虞美人

鶯魂蝶夢淒迷甚瘦到梨雲影一番風雨一番晴牘有
蘼蕪綠徧短長亭 惜花愛傍花陰立花落人知惜惜

無人惜惜花人依舊空閨寂寞度芳春

馬凌霄

字子翊閩縣人
咸豐五年舉人

喜團圓

殘月

雞鳴驛館烏啼門巷馬度河梁桂花零落蟾兒瘦帳前路茫茫
荒荒曙氣蕭蕭秋色併作淒涼算來已是團圓過了海碧天長

步蟾宮

湘簾

波紋綠縷花枝鞦韆儘付與晚風搖簸一絲香篆繞銀鈎
又散了箇儂清課斑斑淚點何人墮看翠黛雨嚮愁
鎖玉蟾上早燕歸遲且捲向黃昏獨坐

踏莎行 秋夢

羅帳風淒畫屏燭暗愁長莫遣秋宵短一聲玉笛落瀟
湘眼前已見黃陵岸 露氣濛濛煙痕淡淡碧天如水
青山斷關河千里月明中相逢只有孤飛雁

百字令 渡揚子江

淘沙浪惡看金焦兩點江聲如鼓千古英雄爭戰地付
與寒潮暮雨擊楫高歌臨流醜酒慷慨情何許腰閒寶
劍長鳴欲化龍去 笑煞豎子成名博徒亡命齷齪非
吾侶對此茫茫增百感多少順風毛羽楚璧誰收燕金
誰市知已難遭遇一腔熱血年來灑向何處

摸魚兒 塵

怪無端軟紅兩度緇衣染得如許虞君短榻萊蕪甑不
少閒中住起庭外樹甚依舊青青朝浥芭蕉雨箇人何
處看鏡浪煙昏簾波月冷悄絕綠窗語 三生事記否
楸枰小聚笑將碎玉輸與凌波羅襪留難住休被庾郎
輕污風裏絮更莫望他年陌路重相遇麻姑又去歎駒
隙光陰棲遲弱草偏惹別離緒

徐芝淦

字少梅德清人咸豐五年舉
人官戶部主事有桐香館詞

浣溪紗

楊柳灣頭泊畫橈東風扶起楚孌腰便無離恨也魂銷

蹤跡偶緣萍作合華年應惜絮同飄不堪今夜雨瀟瀟

又

霧閣雲窗半掩開階前雨過長莓苔可憐人去燕重來
鑪畔撥灰心字裊鏡中窺影鬢絲摧春風不上舊妝

臺

眼兒媚

昏黃銀燭小窗西風雨別離時驚人最是孤燈照影雙
鬢添絲 明朝眞箇抛人去何日是歸期病中心事愁
中滋味沒箇人知

玉樓春

空階點滴黃昏雨燈炮酒闌人悄語欲眠未可起無聊
打疊相思千萬縷相思不見添離緒一寸芳心應暗
許天涯我亦看花回生怕重來春已去

念奴嬌

用姜堯章原韻

征颿纔卸憶當年辜負天涯俊侶一櫂江南春晚晚聽
到子規聲數折柳情懷落梅時節篷背瀟瀟雨江山助
我錦囊添了佳句彈指廿四番風花開花謝惆悵春
歸去著箇扁舟蘆荻裏夜夜潮鳴遙浦絃管翻新煙波
戀舊小作吟身住桃源大好此中應記來路

金縷曲

且向樽前敘話分襟無多幾日頓牽離緒隔著重城猶
恨遠況隔吳天煙樹怎禁得客舟聽雨惆悵光陰容易
過問驪歌何事催人去雙鬢影一燈語飄零蹤跡憑
君訴訴年來春萍秋蒂等閒虛度江上垂楊應折盡依
舊眉痕如許誰省識登樓倦旅記取嶺頭梅萼放料東
風早送歸帆路重把酒共揮塵

國朝詞補卷五十八

無錫丁紹儀杏船輯

陳壽祺十一首

葉衍蘭一首

韓欽十首

李文田一首

張丙炎三首

梁鳴謙二首

宋謙四首

曹毓英十首

王起一首

王星誠三首

林天齡七首

周冠一首

符保森一首

樊增祥四首

陳壽祺字珊士山陰人咸豐六年進士官刑部員外郎有青芙館詞

浣溪紗

水樣秋宵乳樣天
小屏山外碧闌干
記曾倚向月中看
繡帶腰寬楊柳瘦
金釵鬢溜牡丹寒
相思今日況當年

減字木蘭花

起來無謂一枕懶懶
清晝睡沒箇人知
簾角黃昏細雨
時閒愁幾許
忽忽不知春已去
說也銷魂
難道東風
囚病人

祝英臺近

浦江客邸書壁

帳凝煙燈弄影
寒暖煞難定
葉葉芭蕉
葉葉做秋信
誰

憐客子天涯離魂易斷偏者樣雨晴無準
人未寢瑤
箏一十三絃千山萬山冷去也無聊住也又因甚儘教
拍入紅牙做伊幽怨好寄與悲秋人聽

采桑子

分明昨夜銀黃月月底簾櫳小語惺忪露在秋蓮瓣上
紅蘆花搖醒鴛鴦夢人倚西風欲睡還慵自劃鑪灰
寫箇儂

醉花陰

海上重九

去年人在容成驛醉把黃花折海上又重陽一樣花時
兩樣花邊客清遊借得登高屐大好西風節莫漫費

閒愁酒是他鄉月是家鄉月

南鄉子

客館恁淒清涼雨疏酒半醒十二雲窗都掩了
蛤蜊夢逐燈花墮一星水樣越羅衾熨貼閒愁到五更
簾外蕭蕭梧葉落恁惺病與秋寒各自生

南歌子

舟泊鴛鴦湖感賦

小雨吹波綠輕雲凍樹黃湖樓四面水紅窗三面煙波
一面襯斜陽濁酒偎愁冷單衾怯夢長今宵剛道不
思量可奈銷魂名字說鴛鴦

洞仙歌

梧桐雨歇把新秋做就紅得斜陽影都瘦喜桃笙涼沁
蕉扇寒知恰羸箇試茗焚香時候水晶簾捲處初月
描來出色鵝黃蘸詩袖簾外碧闌干闌角疏紅剛昨夜
曉風吹透更何須高處羨瓊樓便一逕花陰儘堪消受

又

懨懨睡起把夢痕重認十二紅樓斷芳訊笑朦朧燕子
生怕春愁先悄地覓箇香巢棲穩孤雲吹不斷翦了
還連影事淒涼怕相問容易說無情道是天涯卻偏又
隔花人近也忒煞難猜箇中緣牘一縷情絲儘人消頷

翠樓吟

秋日別意

金鴨留香玉鵝熨夢誰道匆匆歸去夕陽煙草外鷓鴣
起一絲離緒含情無據記酒醒燈昏夜窗私語愁何許
闌干西畔綠濛濛雨 知否明日天涯算單衫小扇和
誰同住迴文空寄與祇題徧羅巾詩句今宵風露且商
酌離尊醉歌金縷休辜負月華正在柳梢閒處

摸魚兒

丁巳春日武林寓次聽雨

又黃昏雨三點雨零星銷得魂盡春愁水樣渾無著紅
煞一痕燈影風不定便不是離人也爲花愁損客窗人
靜料絮影搜香都無是處今夜怎生聽 殘更亂攪得
相思都冷夢兒和燕同醒縱教春合傷心雨可也憐儂

些病聲又緊算人自無聊錯把芭蕉恨倦歛孤枕知幾處紅樓斷腸一例試喚曉鶯問

葉衍蘭

字伯眉番禺人咸豐六年進士官禮部員外郎

浪淘沙

倪君雲癯出示珠江春泛圖感而賦此

萬頃碧玻璃畫舫輕移鏡中人影畫中詩照見詞人行
樂處紙醉金迷 風景悵迷離前夢依稀披圖感觸少
年時除卻彎彎眉子月更有誰知

韓

欽

字南雪號螺山蕭山人咸豐六年進士官中書有問味軒詞

桃源憶故人

蟬

綠陰窄地涼於幄煙柳一枝牢握聲度小樓簾角午枕

遽然覺 音清不著些兒濁
吸露餐風棲託生就雲綃
衣薄儘許嬌鬢學

玉漏遲

病起池荷已殘
娟娟涼月漸含秋意

夕陰搖岸柳吟螿咽晚秋
心先逗半臂吳綿禁架嫩涼
時候幾度闌干倦倚笑人共
西風爭瘦花事負雲衣瑟瑟
翠殘紅縵 正好抖擻詩襟甚
激灑簾波釀愁如酒
小閣疏簾燈穗細於紅豆
試把相思訴與問有約黃昏
來否霜信陡星星鬢邊攪又

憶舊游

題高茶庵河渚舫謳卷後

漸蘋蕩暖解竹轡陰開虹外斜
曦不少探幽興喚低篷

載酒鶯榭雙攜遠汀未消殘雪蘆絮是耶非好款鶴尋
煙招鷗泛月吟入西溪 禪扉悄彈指認幾曲樓痕彩
榜空題太息詞仙去賸梅花零落過雁應稀春風偶留
鴻爪回首夢雲迷待再續清游關河滿目愁鼓鼙

徵招

羊城寄園昔年觴咏地也廿年重到夢杳黃
蘆有不能已於言者

荒畦嬾點尋芳屐苔花滿堦如繡細認雪泥痕只青山
依舊碧闌今已朽記前度隔闌招手晚墨裁紅卷波浮
白不堪回首 賸有燕呢喃曾相識劉郎近來消瘦訴
與一襟愁問東風知否惜春春易負早寒食禁煙時候
柳陰外獨立斜陽鷓鴣聲驚又

解花語

陸小姑賓州人適同里覃六六操農業嫌姑弱不任鋤犁之役給以母疾遣歸而別議婚姑弗與較藉吟咏自適未幾以瘵亡卒之日笑曰但吟詩句留青簡不與人閒看白頭其志可哀已事詳會稽王笠舫大台傳中盱眙汪孟棠觀察梓行其詩定有酸風繞筆頭研墨心先碎集中句也

風酸繞指墨碎研心清露愁襟浣淚綃千片癡牛省應
把鐵腸柔轉絲絲獨繭織不就鴛鴦衾暖聽小樓凍雨
黃昏紫燕單棲慣 休說珠還璧返問蘼蕪消息人隔
天遠楚娥幽怨難分訴付與冷檠枯管秋蟬命短恁猶
帶殘音淒顛拚一場塵夢匆匆留白頭誰看

蕙蘭芳引

初夏晚霽

庭樹晚陰寫殘照翠深紅淺愛舞蝶欹風還把杏簾半
捲宿醒未解正懊惱薄寒輕暖向曲廊徙倚幾日莓苔
青徧潤被香消脂琴音澀夜靜人倦話俊賞前番多
少酒邊笑伴杜郎憔悴忍看帶眼催夢醒腸斷吠蛙池
館

定風波

倪雲癯上舍鴻豆棚閒話圖

記當年畫裏移家蛾眉勻染秋色樹壓棚低苔支石穩
爽籟詩襟裏乍軒渠閒嘆息明月來窺坐中客難得甚
風兒吹絮浮萍蹤跡一編泊宅倚桐陰小點迂倪筆
算良宵奇遇戈鋌匝地有此閒時節感滄桑寄煙墨舊

夢闌珊不堪憶何日故人重話疏花籬隙

天香

以此調賦淡巴菰者名家集中指不勝僂皆就品而言未及其器近有範銅爲管貯水而吸之有聲者其製愈巧品亦微有差別因譜此以補諸家所未備

鏡粉銀指壺冰玉瑩荷筒新樣輪巧束紙薰蘭凝塵碾
麝汲取井華寒曉玲瓏豆火算合就丁壬婚好纔把詩
襟浣雪煙霞吐吞多少呼童繡囊貯早帶人懷半醒
殘飽昵語隔簾吹出轆轤聲小幾度春黃細撚惹淺暈
檀黃透纖爪唾地餘芬墜煙自裊

齊天樂

秋泛離江值雨至田家小飲

櫓聲喚客尋詩去風漪碎搖菱鑑柳髮梳黃蘆綿糝白

寫出秋痕濃淡煙霏未斂認遠渚蒼茫一鷗閒占閣住
斜陽打篷小雨四三點漁村幾家渡口晚炊剛熟後
人語江店草屨衝泥蘋蓼滴露蠓火星星遙閃柴扉半
掩酌老瓦留賓濁醅香馥水枕寒醒岸楓紅又染

一萼紅

癸同高茶庵作

罷梳妝認香斑隱隱汗粟透瓊膚豔借脂痕穠分蜥印
宛似勻綴頰珠想午倦薇窗睡足攬細顆紅襯篔紋疏
腕暈燈邊腮霞鏡裏薄醉還無幾度蘭湯浴罷看圓
胎露潤鮮荔含酥並坐嗔郎輕搔倩婢暗裏偷解羅襦
只隔住蟬紗一抹曙星燦雲彩罩模糊好是蓉綃拍遍

涼逗水蛭

李文田

字葑儂順德人咸豐九年進士官編修

西江月

憶昔珠江道暑兩三俊侶遊遊晚涼天氣似初秋青舫
綠波紅袖最好酒闌人靜花香扇影歌喉清風習習
夜悠悠正是月明時候

張丙炎

字午橋儀徵人咸豐九年進士今官廉州知府有冰甌館詞

浪淘沙

雨夕舟中感賦

蓬背雨聲熾燈影模糊暝催涼信到菰蒲不管離人腸
欲斷風阻歸艫昨夜度西湖繡幙羅襦棖棖銀漢滾

絃珠獨客孤舟清夢杳猶聽吳歎

長亭怨慢

將歸荻渚村居留別姚仲海

最難得天涯相遇對酒當歌登高能賦剪燭深宵兩年
離思許同訴清秋佳日誰念我同尊俎絲竹寫清愁漸
換了中年情緒且住怎聲聲杜宇又道不如歸去昏
茫海氣願吹盡漫空雲霧算只有淺醉曹騰藉消卻離
愁無數好遺我雙魚頻寄驚人佳句

憶舊游

正汀蘆盪雪溪柳搖霜冷浸歌船六柱文窗掩有秋人
善病亂縮鴉鬢擁衾暗添愁緒愁說啓離筵任拋盡鮫

珠愛河難合無語尊前 纏綿斷腸處是墜雨歡場逝
水華年漫道萍蹤聚便三生一面都算前緣後約幾時
重訂惟祝兩心堅歎恨海波翻微軀願化精衛填

梁鳴謙

字禮堂閩縣人咸豐九年進士今官吏部主事

浣溪紗

盤香

曲檻迴廊燭影深連環舊製與重尋夜闌留得一星明
珠絡結成絲宛轉篆雲暈到影始辨朝來銷盡未灰

心

兩同心

題臺江校書鄭玉笏香雪留痕自敘生時
母夢人與以玉块故名玉幼蕙略知詩年
十七卒開奩含粉淚莫照可憐人其十四
歲咏鏡句也

融雪爲神雕瓊做思想幾回對鏡低徊有多少傷心情
事向風前灑淚成珠結珠成字 無那孟婆風利曇花
謝矣休再話玉玦前因剩幾幅金荃遺製更誰憐月冷
臺江埋愁無地

宋

謙字已舟侯官人
咸豐九年舉人

醉垂鞭 過小西湖

扶醉踏晴湖湖邊路湖前樹一水繞平蕪團煙成畫圖
夕陽憑弔處餘禾黍閒菰蒲寂寞古浮屠空林啼暮

鳥

撼庭竹

寒鴉

槭槭西風搖樹枝
寒瑟瑟霜威墮
隋宮唐苑景都非
暮笳聲裏易斜暉
流水一灣碧
煙景太淒迷
半角城陰黯
不移看月落
多時幾回牛背驚
飛起夢斷昭陽轉
依依門巷已非昔
莫更盡情啼

百字令

寒蟬

飄蕭雙鬢到秋來
禁得幾番臨鏡
餘恨一襟魂欲斷
舊日宮愁誰省
柳老陰稀
槐涼影瘦
庭院淒清甚
鈿箏零落
霜風漸漸吹緊
空抱一點秋心
把琴絲重拂
頓添悽哽
蝶板鶯歌都歇
絕無復年時
麗景苦調雲流
哀音雨雜
何處傳芳信
斜陽易暝
西窗好夢應醒

金縷曲

杜鵑

但勸人歸去怪當年游魂渺渺卻歸何處一片荒涼無
賴月照澈不情庭宇問可似隴雲棧樹賸有羈愁牢落
甚向風前月底頻頻訴嗟世事太無據山川滿目今
非故看多少瓊樓玉闕半成塵土莫更天津橋上去不
是燕鶯儔侶怕沒有閒人聽取且覓繁枝聊寄跡奈朝
來又灑催花雨誰省識此心苦

曹毓英

字紫荃吳縣人咸豐九年舉人有勤梅館詞

生查子

病裏過清明一半春歸也無意捉迷藏閒煞秋千架

幾陣雨廉纖亂灑鴛鴦瓦守到點燈時又是淒涼夜

望江南

江南好春在小園東芳草斜分鶯背綠好花濃染蝶衣
紅香霧濕簾櫳

菩薩蠻

東風吹過櫻桃瘦小樓人倦雙蛾縵春盡雨聲多春愁
將奈何無聊情脈脈背立屏山側暗度可憐宵心香
鑪內焦

憶秦娥

更初定梧桐院落簾波靜簾波靜幾分花色幾分月影

冰苔小立人孤另單衣漸怯西風冷西風冷闌干一
曲記曾雙凭

喝火令

秋夜病中作

紅友消清畫青奴伴夜分維摩病榻苦吟身正是風悽
月冷獨自掩重門憶遠書難寄悲秋夢不溫倚衾孤
坐黯消魂試問天涯還有幾愁人試問亂蛩聲裏禁得
幾黃昏

高陽臺

丙辰仲秋出都留別

燕市拋金蘇臺選玉似曾相識天涯爾汝纏綿淺歡深
醉頻誇憐伊灼若臨波處怡天然麗奪明霞喜連宵香

雨沾衣豔月隨車 豪情不爲柔情減奈驪歌惜別蝶
夢還家淡語銷魂如聽淚灑琵琶難教雨滯征帆影指
薔薇後約偏賒待春回細檢青衫重譜紅牙

前調 秋草

瘦蝶棲香寒蛩泣露萋萋儘够銷魂廢苑斜陽荒涼一
抹煙昏那堪重讀離騷賦是靈均哀怨難論恁無情吹
到西風又長愁痕 踏青怕省從前景記伶仃蓮步軟
襯芳茵曾幾何時如何換了濃春靡蕪一翦埋香土料
深深埋盡春人看而今螢火星星照徧秋墳

摸魚兒 春陰

峭寒天風尖雨細沈沈閣住清晝墨雲低罩簾垂地竟
欲將辰作去酉如中酒悵一枕花南啼破黃鸝心傷
意慙只芸餅微添茜屏靜倚慵自理鍼繡花朝後屈
指清明霎又悵悵應更消瘦多情燕子歸來也還把輕
陰低咒空厮守煩寄語王孫可有回時候濃春休負道
陌上青青樓頭凝望新長幾株柳

長亭怨慢

殘紅和實甫兄

聽前夜杜鵑啼斷血淚模糊枝頭灑徧狼藉香堦箇人
生怕卷簾看朱闌低亞扶幾縷芳魂倩無復是濃春只
空憶東風人面零亂認蒼苔點點澹照斜陽一片綠

陰園繞漸隔著畫樓天遠最憐他燕子多情和飛絮銜
來宛轉把賸粉零脂留向秋千池館

金縷曲

寒鴉

渡口垂楊老看荒荒半天雪意晚風寒峭飛渡殘陽楓
葉秃送盡行人古道只覓箇霜華充飽曲奏烏栖悲日
暮望江南隨便移巢好吹畫角恨多少玉關遠信今
番杳莫認是千行墨點灑來林杪遙向神祠呼伴侶一
片黃雲縹緲漸聽去吶啞聲小驚醒秦川闔裏夢怕長
宵冷宿空房早催月下曉纔報

王

起

字硯香錢塘人咸豐九年舉人有綠淨軒詞

九

摸魚兒

題高茶庵空江弔影圖爲其夫人投江殉難作

看長江黏天無際重重雲樹低護傷心一片東流水不見鏡中眉嬾行易阻徧露蔓煙榛莫辨從前路哀鴻正語怕獨立蒼茫尋消問息愁逐暮潮去年年恨著箇天涯倦旅披圖空惹離緒排山濁浪洶難盡添了淚和春雨腸斷處料羅襪淩波合向瑤京住君須認取認却後滄桑是空是色身外有身否

王星誠

字孟調山陰人咸豐九年副舉人有西鳧詞

卜算子

墜葉打簾衣閃得秋燈碧寂寂房櫳黯黯天斷雁來時

節薄倦轉惺忪錯怨羅衾窄涼做繚綾一角水半是
啼痕積

蝶戀花

蓬山只在傷春處不隔天涯只隔梨花雨多分日長無
意緒紅樓一角斜陽暮今日鞭絲慵再駐簾底分明
燕子來還去悽絕畫橋楊柳樹更誰拍扇兜香絮

百字令

秋日至黑桐金司馬水亭觀荷

平堤廿四暫偷閒存訪菰煙蔣雨秋到水鄉纔幾日瘦
得晚荷如許露暈疏紅風搖亂碧花氣惜惜午夜涼人
靜鷺鷥來共秋語
休問瑟瑟紅衣亭亭倩影舊日橫

塘路一院冷香團作暝簾幕悄無人住斫藕論錢拗蓮
佐饌狼籍憑誰訴綺懷銷盡夕陽衰柳知否

林天齡

字錫三長樂人咸豐十年進士今官編修

浣溪紗

白秋海棠

屋角秋陰帶月遮粉香微浣淚痕斜些些風韻似兒家
一點檀心低映雪三分酒暈不侵霞西風又瘦斷腸
花

醉春風

盤香

宛轉清煙吐細向風前度不消心字博山鑪炷炷一
點灰飛半星紅逗悄無人處誰掩寒燈去漫放秋天

曙醒來微火隔薰籠
覩覩漏短偏長漏長漸短宵分
暗數

水調歌頭

塵

十丈軟紅裏滾滾不曾休
慣催駒隙過盡白日去悠悠
豪傑千篇青簡粉黛千堆黃土
那辨劫灰留但看好春色
一半付江流
無人處凝舞榭掩歌樓
照他今月古
月滄海幾經秋但願掃愁有帚
何用當風障扇污得襪
羅不顧影惜明鏡遮莫暗雙眸

百字令

藕絲

蓮房紅落倩并刀重把寒水輕翦
畢竟空靈心性好餘

緒牽來如線弱不勝揆柔偏易折有恨何人見含情箇裏綠波曾照深淺聞道綺席佳人晚涼細雪恰映纖纖腕悵望茜衫顏色故密縷憑誰細浣柳絮黏來菱絲胃處一樣愁腸縮纏綿無那休論春夢長短

安公子

半臂

愁典春衣盡春歸還做春寒緊聳斷雙肩須護惜一番瘦損偏是今年天氣無憑準搜盡篋半幅餘香蘊累箇人扶臂熨貼幾番未穩宜稱何須問憐卿憐我心心印較短量長恰好著羅衫輕襯不礙深宵揜袖移燈近放四圍微透春風信只子京佳話寒夜教人忍俊

滿江紅

重修鎮海樓時京師有被擾之警余方假歸賦此誌慨

驀地歸來換一片斜陽紅瘦漫凝眺樓臺如夢江山依舊海氣已連三島雨城陰欲暝千家晝憶當年秋色獨憑闌銷魂又昆明劫何人救燕臺成何人守問蒼茫宮闕可堪回首雙手思扶銅柱折百年難祝金仙壽只故山松柏尚依然霜皮皴

周

冠

字鼎卿桂林人咸豐十年進士官雲南知府有筠園詞

齊天樂

心驚頃刻滄桑改茫茫竟迷今古駐馬湖山啼鳥城郭村舍蕭條無數狼氛過處問誰統貔貅力殲狐鼠搔首

天邊大星芒角落如雨 淒涼人事幾許憶談兵故里
華屋焦土舞罷長竿倚來短劔向日壯懷非故笳聲正
苦便痛哭劉琨祇餘愁緒折戟沈沙對清尊自語

符葆森

字南樵江都人
咸豐年舉人

菱荷香

題張嘯峰藕花香裏填詞圖時已悼亡其
配孫夫人亦工詞

水雲鄉儘搓酥滴粉浸入紅芳一枝詞筆墨痕輕蘸波
涼分明寫夢記夢時飛過清湘瑤情比藕絲長琢成好
句半爲鴛鴦 自把珠簾高捲有何人小立聽譜幽簧
零煙碎雨不辭飄濕風裳相思無限對明漪暗自迴腸
靈槎隔斷銀漢新成法曲卻共誰商

樊增祥

字雲門恩施人咸豐年舉人

中興樂

初秋同人登龍樹寺凌虛閣用李德潤體

繞樓一帶薜蘿牆西風瑟瑟橫塘眼前春色垂柳垂楊
蘆花容易如霜雁聲長幾時飛到高城遠樹亂堞斜陽
十年冠劍獨昂藏古來事事堪傷狐狸誰問何況豺
狼薊門山影茫茫好秋光無端孤負闌干倚徧風物蒼
茫

望南雲漫

憶秦淮舊遊兼悼王君柘菴

隔岸疏燈記玉笛聲淒秋在垂楊橋回山轉趁一船載
酒城月昏黃釵向臣冠掛倚鬢影風前暗香芙蓉夢底

茉莉愁邊穩睡鴛鴦
堪傷處處樓臺年年簫管回頭

衰草斜陽青娥碧血歎江山歌舞特地悲涼金粉飄零

盡念舊歡空憐國殤
金陵城陷 妓多死難生誰月旦死自風流祇

有王郎
手刃多賊卒赴水死

綺羅香
讀杜仲丹詞

擘扇添香分泉試茗窗外竹聲敲晚薄暝簾櫳猶有細
蟬輕燕池塘畔幾日西風早瘦了藕花一半更禁他素
縷銀牀蕭蕭落葉冷蛩滿
悲秋誰似宋玉聊借筒盃
送酒客愁同遣試讀新詞可要瑤箏低按憶桐花小閣
燈涼無奈是吟秋人遠賸今宵譜入琴絲曼音和漏轉

采桑子

輕舸急檣沙頭路纔過橫塘落了斜陽月比離人色更黃
昨宵燈火今宵夢直恁淒涼儘著思量偏是閒愁
不易忘

國朝詞綜補卷五十八

國朝詞綜補後序

國朝詞綜補五十八卷外舅杏舫公繼王蘭泉司寇彙輯而成書也夫昭代詞人超越前軌顯門哲匠薈萃彙編雅調應乎昇平正音屏其綺麗滴粉搓酥之製甄錄偏多然脂弄墨之才傳鈔不少况復精研協律博選倚聲蒐求在嘉道以前掇拾逮咸同而後者乎別裁僞體稽文獻於一朝默運寸心寓品題於千古綜其大要固有數端若夫碩彥挺生英傑輩出雖略分其餘技已足擅乎勝場似李衛公之勛名沈吟仙女如謝疊山之氣節感慨天涯韓陵之片石長存歐冶之祥金久躍凜然

大義偕日月而爭光託以微言激風雲而變色豈特青蓮學士新譜醉歌紅杏尙書舊傳麗句已哉詞因人重此其宜補者一也至於豔摘金荃奇分白石諧樂章於三變會句意於兩得異玉田之超遠態度不凡比草窗而纖穠胸襟遙寄珍逾席上而璫貝生輝藏之篋中而錦繡競絢花閒之集榮於華袞蘭畹之選判於鉛槧聲蜚者實茂曲高者和寡凡夫竹屋挺質梅溪逸品莫不雕蟲技巧附驥名彰人以詞傳此其宜補者又一也今使摹仿迹象點拍宮商陶詠無與於性真懲勸不衷於理趣雖復淺斟低唱累牘連章夫何取焉蓋可知矣若

乃撫時感事託物起興抗懷君國之大采俗閭井之細
少陵有作比之詩史太學之詠諫以主文冬郎忠憤非
徒風月之情坡老雄豪大有江山之致語既華而不靡
事更實而可徵不有闡揚奚資考核此其宜補者又一
也粵自樂府既衰詩餘迺盛三唐導其始五季暢其流
洎乎宋元舛乎明代我朝詞譜珊瑚網宏納萬氏詞律
金鍼盡度然而中令小令之目單調雙調之名偶致參
差便乖節奏甚至闕訛上下句混長短桂殿秋吟減字
別步虛之誤松梢月弄審音得拗體之殊或扶袖而飛
聲未收舊本或登樓而度曲自按新腔調隱僻以誰工

律粗疏而不免此其宜補者又一也於是衆美囊括澄
懷鑿空內篤神明外宏願力補苴者罅漏之細網羅者
散佚之鉅南飛渺渺忍令玉笛音沈東去滔滔儻復銅
琵琶作正襲謬沿訛之失則剖別精勤具兼收竝蓄之
量則見聞殫洽非止模範山水不踰法架足使裁縫雲
月更喻巧思三臺六醜均諧一字四聲俱辨斯誠王氏
之諍友抑亦詞壇之正宗已詞綜而外鳧蘄有補遺二
卷霽青惟續輯一書所惜湮沒不著去取未當苟有識
者能無歎乎他若繹如初集猶然飽蠹徒勞韻甫遺篇
尙爾斷鶴同誚以及瑤華鳳製吳江近選大抵尙紫奪

朱是丹非素申椒蕭艾旣糝雜而不芳抑楊皇苓祇媚
俗而取悅原其所蔽可得而言 公之茲編大判厥旨
憂娛均感雅鄭不淆古音叶而仙樂鳴綺語戒而淫哇
黜耳目所及弗限于方隅戚好所貽迭賡于同調以視
彼茶庵詞腋所集僅存二百餘家葢汀詞雅之選難許
千秋卓識豈非源流異派軌轍分途者歟或謂辛劉疏
放詎盡完篇歐晏華縉亦參累句而不知明懸冰鏡巧
削風斤擲米成珠釀花作蜜璧去瑕而全白金點鐵而
皆黃塗乙紛加四座之虛衷互證受辛絕妙半生之結
習未忘心自具乎定評業匪操乎選政但使鳳羽交賞

豹皮幸留格調常新姓名不朽非無滄海之遺探索幾
徧縱有南郭之濫抉擇斯寬耳或又謂樊榭所論多在
先朝竹垞所采第傳往哲風流共賞懼涉標榜之嫌月
且雖工敢詡挖揚之富 公則上懷耆舊下及時賢遇
邇存亡死生契闊未由問訊粗具仕履不區分乎另集
悵隔前塵且援引夫好詞歡聯今雨驪黃牝牡肯摩挲
於索驥圖中鱗爪之而長嘯喑於釣龍臺畔加以紅羊
劫火赤鯉驚波焦尾餘桐浮蹤泛梗斷簡則九京呵護
奇文則萬丈光芒零墨碎金願公同好緝流闡秀隨有
續刊所尤異者左氏失明爰述史筆孫子傷足迺習算

經 公以垂暮膺茲痼疾海濱千里困窮愁而著書風
雨一牀藉謳飲而卻病老夫耄矣興致翛然鑑忝愧知
音誤聞顧曲迢遙壻水曾依米家之船落拓名場未築
稼軒之室一千調古音婉約重披花萼粹編二百年佳
什流傳勝讀靈芬詞話子壻胡鑑衡齋謹跋